

Ժողովուրդ

15 փետրվարի հինգշաբթի 2024
տպագրության ԺԳ տարի

19
(2869)

Ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԱՐՏՈՆՅԱԼ ԵՐԵՄՅԱՆՆԵՐԸ՝ ԻՇԽԱՆՈՒԹՅԱՆ ՄԻՐԵԼԻ



Yeremyan projects



«Ժողովուրդ» օրաթերթը, Yeremyan Projects-ի շուրջ արվակահարույց բացահայտումներին զուգահեռ, սկսում է շարք, թե ինչպես Yeremyan Projects-ը դարձավ ներկայիս իշխանությունների սիրելի ընկերությունը:

Բանն այն է, որ բացի «Քաղաքացիական պայմանագիր» կուսակցության դրամահավաքին անհայտ աղբյուրից խոշոր գումարներ հանգանակելուց, Դավիթ Երեմյանի ընկերությունները մասնակցում են պետական մասշտաբի տարբեր մրցույթների: Հարթում են այդ մրցույթները մեկ պարզ հանգամանքի շնորհիվ՝ իշխանության հետ լավ հարաբերությունների մեջ են:

Օրինակ՝ 2024 թվականի սկզբից մինչ այսօր «Հայր եւ որդի Երեմյաններ» ՍՊԸ-ի հետ Ազգային ժողովը կնքել է 5 մլն դրամ արժողությամբ պայմանագիր: Ընկերության կողմից որպես լիազոր անձ հանդես է գալիս Ալեքսանդր Գասպարյանը: Պայմանագիրը կնքված է մինչև սույն թվականի դեկտեմբերի 30-ը:

Ըստ պայմանագրի՝ ՍՊԸ-ն պարտավորվում է կազմակերպել պատվիրակությունների ընդունման հյուրասիրության ծառայությունների մատուցում:

Ծառայություններում, ըստ պայմանագրում տեղ գտած բնութագրի, նշված է, որ պետք է մատուցվեն տաք եւ սառը խորտիկներ, տաք ուտեստներ, ապուրներ, տաք ըմպելիքներ, աղցաններ, խավարտներ, ալկոհոլ եւ այլ ուտեստներ:

Այս պայմանագրով նշված բոլոր ծառայությունները մատուցվելու են այն ռեստորաններում, որոնք պատկանում են Երեմյաններին, օրինակ՝ «Լիվինգսթոն», պանդոկ «Երեան Գետափին», «Լավաշ», «Կազան Նոստրա», «Շերեփ» եւ այլն: Ընդ որում՝ շատ դեպքերում ծնունդների, կնունքների, ատամհատիկների կողքին պաշտոնական պատվիրակություններ են ընդունվել:


Հետաքրքիրն այն է, որ պատվիրակություններին հյուրասիրելու համար նախատեսված է 78 հազար դրամ արժողությամբ սեւ ձկնկիթ, բրենդի Erebus 50 եւ 70 տարեկան, որոնց արժեքը համապատասխանաբար 115 հազար եւ 250 հազար դրամ է: Պատվիրակությունները նաեւ փորձելու են 315 հազար դրամ արժողությամբ Don Perignon Limited շամպայնը: Հետաքրքիրն այն է, որ այս շամպայնի 0,75 մլ Don Perignon Vintage տարբերակը սուպերմարկետներում արժի 130 հազար դրամ, իսկ Don Perignon Vintage Rose 0,75 մլ արժե 225 հազար դրամ:

Պայմանագրի գնման ընթացակարգը կատարվել է մեկ անձից սկզբունքով, եւ այլ ընկերության շանս չի տրվել կատարելու այս ծառայությունը, ինչը խոսում է հնարավոր «պոզով եւ պոչով» կոռուպցիայի մասին:

Ե կոնսուլտացիայի նախարար Վահան Քերոբյանի երեկվա հրաժարական անակնկալի է բերել ՔՊ-ականներին: «Ժողովուրդ» օրաթերթի տեղեկություններով՝ ՔՊ-ում մի քանի հոգի են ինքնաբերական կերպով հրաժարականի մասին, իսկ մյուսները նրա գրառումից են ինքնաբերական կերպով լուրս ու անակնկալի եկել: Ավելին՝ ՔՊ-ականների, մասնավորապես՝ խորհրդարանականների սրտով այնքան էլ չի եղել Քերոբյանի հրաժարականը, ոմանք նաեւ անթաքույց ափսոսանք են հայտնել, քանի որ լավ հարաբերություններ են ունեցել նրա հետ. ի տարբերություն շատ այլ նախարարների՝ Քերոբյանը մշտապես հասանելի է եղել թմրակիցների համար, ու նրա հետ կարողացել են աշխատանքը հեշտ կազմակերպել: Մի խոսքով, մինչև չգա հետինը, չի հիշվի առաջինը:



ՀՀ վարչապետ Նիկոլ Փաշինյանը շարունակում է փնտրել կառավարական կաբինետի նոր անդամներ: «Ժողովուրդ» օրաթերթի կառավարությանը մոտ կանգնած աղբյուրները փոխանցում են, որ Փաշինյանը նպատակ ունի «հեղափոխություն» իրականացնել կառավարության ներսում՝ առաջիկայում շատերին անակնկալ պաշտոնական անելով: Ըստ մեր աղբյուրների՝ այս պահին միակ անձեռնմխելի անձը ՀՀ արտաքին գործերի նախարար Արարատ Միրզոյանն է, որի աշխատանքից, կարծես թե, գոհ են եւ Փաշինյանը, եւ՝ իշխանության, եւ՝ ՔՊ վերնախաւի ներսում: Մեր աղբյուրները չեն բացառում, որ Փաշինյանը այդ հարցում եւս մտափոխվի: Գերատեսչության բոլոր ղեկավարներից, կառավարության ենթակա բոլոր մարմիններից, վարչապետին ենթակա բոլոր մարմինների ղեկավարներից Փաշինյանը դժգոհ է ու մարդկանց է փնտրում մեկը մյուսով փոխարինելու համար: Վարչապետը կադրային լուրջ խնդիրների առաջ է կանգնած. օրենսդիր մարմնի անդամներին, որոնք իր հավատարմություն են, վստահում է, առաջարկում է տեղափոխվել գործադիր մարմին: Այդ հարցում, սակայն, դեռեւս հաջողություն չունի. պատգամավորները հրաժարվում են նախարարի պորտֆելը վերցնել: Այս պահին Փաշինյանի հույսը կադրային բանկն է, բայց, ըստ ՔՊ-ական մեր աղբյուրների, այնտեղից էլ չի կարողանում մարդ գտնել:



Հայաստանի Հանրապետության վարչապետ Նիկոլ Փաշինյանի աշխատակազմը 2024 թվականի հունվարի 30-ին ձեռք է բերել սրճեփ, որի արժեքը կազմել է 299 հազար 999 դրամ: Սրճեփը եղել է DELONGHI մակնիշի, իսկ մակնիշը՝ ECAM290.31.SB: Ըստ պայմանագրի՝ սրճեփը պետք է ունենա հետեւյալ բնութագիրը՝ աղացի աստիճանների քանակ՝ 13, աշխատանքային ճնշումը՝ 15 բար, սուրճի պատրաստման տեսակները՝ աղացած/հատիկավոր, հատիկավոր սուրճի տարայի տարողությունը՝ առնվազն 250 գրամ, հզորությունը՝ 1450 Վտ, ջրի տարողությունը՝ 1.8լ, ավտոմատ անջատման եւ գավաթի տաքացման ֆունկցիոնալությամբ, էկրանի, ջրի ֆիլտրի եւ շարժական կաթի տարայի առկայություն, սուրճի պատրաստման տեսակները՝ էկսպրեսո, կապուչինո, լատե, մակիատո: Ապրանքը պետք է լինի նոր եւ չօգտագործված: Գույնը համաձայնեցվում է պատվիրատուի հետ: Սրճեփի երաշխիքը նախատեսված է մեկ տարի ժամկետով: Հավելենք նաեւ, որ վարչապետի աշխատակազմը 2018 թվականից կենցաղային տեխնիկաներ գնելու հակում ունի: Գնվում են 500 հազար դրամանոց հեռուստացույցներ, գնվել է 35 սառնարան՝ 1 մլն 960 հազար դրամ ընդհանուր արժեքով: Ստացվում է, որ վարչապետին ենթակա մարմիններն ամեն ինչ անում են իրենց տանը զգալու համար:



ԶՐՈՒՅՑ

«ՊՐԻՊՐՈՒՐՈՆԻ» ԻՆՏԵՆՍԻՎՅՈՒՆԸ ՎԱՇՎԱՐԿԵԼ Է

«Հանրային ձայն» կուսակցության ընտրական ցուցակի երկրորդ համարը գրադեցնող Տիգրան Ուրիխանյանը դեռ նախորդ օրը սեղաններին, ավագանու անդամի մանդատից հրաժարվելու դիմում էր ներկայացրել, սակայն նա դիմումը մինչ օրս չի հաստատվել, ու փաստացի նա շարունակում է հանդիսանալ ավագանու անդամ չներկայացնալով նիստերին: Քաղաքային իշխանությունն ընդամենը օրեր առաջ մանդատից զրկեց ավագանու անդամներ Հայկ Մարտիրոսյանին, Սոնա Աղեկյանին և Նարինե Հայրապետյանին՝ անհարգելի բացակայության և փոխարկություններին չմասնակցելու հիմքով: Մինչդեռ, մյուս խմբակցությունում՝ «Հանրային ձայն»-ում եւս կան երկու անդամներ՝ Արսակ Գալստյանը և Տիգրան Ուրիխանյանը, որոնք առհասարակ նիստերին չեն մասնակցել, քանի որ Արսակ Գալստյանը կալանքի տակ է, իսկ Ուրիխանյանի նկատմամբ քրեական հետապնդում է հարուցված. նա երկուսն էլ: Քաղաքային իշխանությունները, սակայն, ձեռնդրած մնացին որևէ փայլ ձեռնարկել «Հանրային ձայն»-ի անդամների նկատմամբ: Այս առիթով մի քանի հարց ենք ուղղել Տիգրան Ուրիխանյանին:



-Իսկ ավագանու մյուս անդամներին մանդատից զրկելը Ձեզ համար ընդունելի էր, ինչ գնահատական կտաք: -Շատ վատ եմ վերաբերվում. փառք Աստուծո, իմ մանդատն ինձ մոտ է, ու այդ մանդատը ներկա չի գտնվել նիստին: Յուրաքանչյուրի մասով առանձին դիրքորոշում կա, տարբեր մարդիկ են: Օրինակ՝ Նախկին քաղաքապետ կա, որը հասարակությանը բաժանեց սեւերի ու սպիտակների, միտեց Երեւանի բյուջեն, եւ էլ փաստ ունեւ մոտս՝ շինթույլտվության եւ ավարտական ակտի համար կաշառք տալու վերաբերյալ, եթերներումս բազմիցս խոսել եմ այս մասին, բայց գործ այդպես էլ չի հարուցվել: -Պարոն Ուրիխանյան, Դուք ի՞նչ եք պատրաստվում անել. թեւէ մանդատը

վայր դնելու դիմում եք ներկայացրել, բայց դիմումը չի ընդունվել, Դուք հանդիսանում եք այս պահին ավագանու անդամ: -Իմ բոլոր քաղաքական գործողությունները նպատակ են ունեցել այս իշխանություններին Հայաստանի կառավարումից դուրս շարտել, հետեւաբար ցանկացած գործողություն, այդ թվում՝ քաղաքի մասշտաբով, կառավարչական կամ այլ, ծառայելու են այդ նպատակին: Ես նպատակ չեմ ունեցել ավագանու ընտրությունների արդյունքում մասնակցել Երեւանի կառավարմանը, հենց սրանով էլ պայմանավորված է եղել, որ դեռ սեպտեմբերին ես ինքնաբացարկի եւ մանդատից հրաժարելու դիմում եմ ուղարկել, որը նաեւ պաշտոնապես հրապարակվել է: Զրուցեց ՔՐԻՍՏԻՆԱ ՍՈՒՇԵՂՅԱՆԸ

ԼՈՒՐԵՐ

ԸՆԴՈՒՄՆԵԼ Է

Վարչապետ Նիկոլ Փաշինյանն ընդունել է Հայաստանում Հունաստանի արտակարգ եւ լիազոր դեսպան Խրիստոս Սոֆիանապուլսին, որը նոր է ստանձնել դիվանագիտական առաքելությունը մեր երկրում. հայտնում են վարչապետի մամուլի ծառայությունից: Վարչապետը շնորհավորել է դեսպանին եւ մաղթել արդյունավետ աշխատանք՝ ի նպաստ Հայաստան-Հունաստան բարեկամական հարաբերությունների հետագա զարգացման ու ամրապնդման: Նիկոլ Փաշինյանը կարեւորել է փոխգործակցության շարունակական զարգացումը բոլոր ոլորտներում, այդ թվում՝ առևտրատնտեսական կապերի ընդլայնման, համատեղ նոր ծրագրերի իրականացման առումով: Նշելով, որ Հունաստանի հետ Հայաստանն ունի հազարավոր օրակարգ՝ դրա իրացման համատեքստում վարչապետը կարեւորել է կառավարությունների միջեւ ակտիվ եւ ինտենսիվ համագործակցությունը:

Զրուցակիցները քննարկել են առաջիկայում բարձր մակարդակի փոխայցելությունների կազմակերպմանը, Հայաստան-Հունաստան բազմաոլորտ համագործակցության օրակարգին, Հայաստան-Եվրոպական միություն համագործակցությանը, մեր երկրում իրականացվող ժողովրդավարական բարեփոխումներին, Հարավային Կովկասում տեղի ունեցող գործընթացներին վերաբերող հարցեր: Մտքեր են փոխանակվել երկուստեք հետաքրքրություն ներկայացնող այլ թեմաների շուրջ:

ԱՆՔԻՄՆ Է ՈՐԱԿԵԼ

Ադրբեջանի արտաքին գործերի նախարարությունն արձագանքել է Բրյուսելում ԶԶ ԱԳ նախարար Արարատ Միրզոյանի եւ Եվրոպական միության դիվանագիտության ղեկավար Ժոզեպ Բորելի հանդիպմանը եւ վերջինիս հայտարարությանն այն մասին, որ սահմանին ադրբեջանական կողմի գործողությունները եղել են ոչ համաչափ: Գերատեսչությունը Բորելի խոսքը անհիմն է որակել: Ադրբեջանի

ԱԳՆ-ն ԵՄ դիվանագիտության ղեկավարին մեղադրել է հայամետ դիրքորոշման համար: Բաքուն անդրադարձել է նաեւ Բորելի դիտարկմանը, որ սահմանային վերջին լարվածությունն ապացուցում է զինված ուժերի հետքաշման անհրաժեշտությունը: Ըստ ադրբեջանական կողմի՝ այդ առաջարկը «գործնական նշանակություն չունի»: Ադրբեջանական կողմը նաեւ պահանջել է Լեռնային Ղարաբաղից հայերին «բռնի տեղահանվածներ» չանվանել: «Ափսոսանք է առաջացնում այն, որ չնայած Եվրոպական խորհրդի ղեկավար Շառլ Միշելի խաղաղասիրական նախաձեռնություններին՝ արտաքին հարաբերությունների գերագույն ներկայացուցիչը միակողմանի հայամետ դիրքորոշում է որդեգրել եւ այդպիսով անջրպետ է ստեղծում Ադրբեջանի եւ ԵՄ ինստիտուտների միջեւ, ինչպես նաեւ մեկուսացնում է իրեն Ադրբեջան-Հայաստան կարգավորման գործընթացից»,- ասված է Ադրբեջանի ԱԳՆ հաղորդագրության մեջ: Զ. ՍՈՒՇԵՂՅԱՆ



ՀԱՅԱՍՏԱՆ-ՆԱՏՕ

Բրյուսել այցի շրջանակներում Հայաստանի Հանրապետության արտաքին գործերի նախարար Արարատ Միրզոյանը հանդիպել է ՆԱՏՕ-ի գլխավոր քարտուղարի Կովկասում եւ Կենտրոնական Ասիայում հատուկ ներկայացուցիչ Խավիեր Կոլումինա Պիրիսի հետ: «Հանդիպման ընթացքում կողմերը քննարկել են տարածաշրջանային վերջին զարգացումները եւ իրավիճակի ապակայունացմանն ուղղված փորձերը: Արարատ Միրզոյանը վերահաստատել է առկա մարտահրավերների հաղթահարման հարցում Հայաստանի տեսլականն ու մոտեցումները՝ հիմնված հանրահայտ սկզբունքների վրա»,- հայտնում են Հայաստանի Հանրապետության ԱԳ նախարարությունից: Անդրադարձ է կատարվել նաեւ Հայաստան-ՆԱՏՕ գործընկերության հետագա ամրապնդմանն ուղղված ջանքերին:

ՀԱՆՁՆԱՌՈՒ Է

ԱՄՆ-ն մտահոգված է հայ-ադրբեջանական սահմանին փետրվարի 13-ին տեղի ունեցած բախումների առնչությամբ եւ կարծում է, որ ուժի կիրառումը խաթարում է բանակցությունները: Այս մասին հայտարարել է ԱՄՆ պետքարտուղարության խոսնակ Մեթյու Միլլերը: «Մեզ մտահոգում են մահացու ելքով ռազմական բախումների մասին հաղորդումները, որոնք հանգեցրել են մի քանի զոհերի: Մենք մեր խորին ցավակցությունն ենք հայտնում զոհվածների եւ վիրավորների ընտանիքներին: Ուժի կիրառումը խաթարում է բանակցությունները: Կայուն խաղաղության միակ ճանապարհը բանակցությունների սեղանի շուրջ է: Հրադադարի ցանկացած խախտում պետք է հետաքննվի եւ պատշաճ հասցեագրվի», - ասել է Միլլերը ճեպագրույցի ընթացքում: Նա եւս մեկ անգամ կրկնել է, որ ԱՄՆ պետքարտուղար Էնթոնի Բլինքենը հանձնառու է Հայաստանի եւ Ադրբեջանի միջեւ խաղաղության բանակցություններին: Ինչ վերաբերում է փետրվարի 16-ին կայանալիք Մյունխենի անվտանգության համաժողովի ընթացքում Հայաստանի եւ Ադրբեջանի ղեկավարների հետ Բլինքենի հնարավոր հանդիպմանը, Միլլերը նշել է, որ պետքարտուղարի օրակարգի մասին լրացուցիչ կտեղեկացվի: Չնայած Հարավային Կովկասում խաղաղության հասնելու հայկական կողմի ու միջազգային դերակատարների ջանքերին՝ ադրբեջանական կողմը հերթական ագրեսիան է ձեռնարկել Հայաստանի նկատմամբ: Փետրվարի 13-ին՝ ժամը 05:30-ից սկսած, ադրբեջանական զինված ուժերը հրաձգային գեղքերից կրակ են բացել Մյունիքի մարզի Ներքին Հանդրակավայրում հատվածում տեղակայված հայկական դիրքերի ուղղությամբ, ինչի հետեւանքով հայկական կողմն ունի 4 զոհ:

ՀՀ-ՀՈՒՆԳԱՐԻԱ

ԿԱՐԵՎՈՐ՝ ՀԱՅ ՀԱՄԱՅՆՔԻ ՀԱՄԱՐ

ԱՐՑԱԽՑԻՆԵՐԸ ԿՎԵՐԱԳԱՌՆԱՆ

Լեռնային Ղարաբաղում ռուս խաղաղապահ զորակազմի գործունեությունը շարունակելու համար նախապատրաստական աշխատանքներ են ընթանում ռուս-ադրբեջանական հերթական շփման ուղղությամբ:

Այս մասին փետրվարի 14-ին ասել է Ռուսաստանի Դաշնության ԱԳՆ պաշտոնական ներկայացուցիչ Մարիա Զախարովան:

«Քննարկվող հարցերի թվում Լեռնային Ղարաբաղի հայ ազգաբնակչության վերադարձի հեռանկարն է, նրանց իրավունքների և անվտանգության ապահովումը՝ համատեղ պարեկության իրականացմամբ, մշակութային հուշարձանների, կրոնական ժառանգության պահպանմամբ»,- նշել է Զախարովան և հավելել՝ այդ շփումները ձեռնարկված են կառուցողական հիմքի վրա և կրում են պարբերական բնույթ:

ԱԶԳՈՒՄ ԵՆ ԳԻՍԻՑ

ՀԱՊԿ-ը համարում է, որ հայ-ադրբեջանական սահմանին հակամարտության սրման հավանականությունը մեծ է, և իրավիճակը կարգավորելու համար անհրաժեշտ է խաղաղության պայմանագիր:

Այս մասին ճեպագրույցում հայտարարել է ՀԱՊԿ միացյալ շտաբի պետ, գեներալ-գնդապետ Անդրեյ Սերոյուկովը:

«Առանձին պետությունների կողմից Հարավային Կովկասում սեփական դիրքերն ամրապնդելու, Կասպից ծովի ռեսուրսներին հասանելիություն ստանալու և դեպի Կենտրոնական Ասիա ուղիղ ելք ապահովելու փորձեր են արձանագրվում: Դրա համար, ի թիվս այլ բաների, ակտիվորեն օգտագործվում է հայ-ադրբեջանական սահմանին հակամարտության մեծ հավանականությունը: Իրավիճակի հետագա կարգավորման գործում կարևոր է մնալու հաշտության համաձայնագրի կնքումը», - Սերոյուկովի խոսքերն է մեջբերում SUUU-ը:

ՀԱՊԿ միացյալ շտաբի պետ Արեմուտեին մեղադրել է Բաքվի և Երեւանի միջև հարաբերությունների կարգավորման գործընթացի վրա ազդելու փորձերի համար՝ չնայած Հայաստանի անդամակցությանը ՀԱՊԿ-ին:

«Չնայած Հայաստանի անդամակցությանը կազմակերպությանը՝ դրսից շարունակվում են փորձերը՝ ազդելու հետկոնֆլիկտային կարգավորման ձեռնարկի վրա», - նշել է ՀԱՊԿ պաշտոնյան:

Չնայած Հարավային Կովկասում խաղաղության հասնելու հայկական կողմի ու միջազգային դերակատարների ջանքերին՝ ադրբեջանական կողմը հերթական ագրեսիան է ձեռնարկել Հայաստանի նկատմամբ: Փետրվարի 13-ին՝ ժամը 05:30-ից սկսած, ադրբեջանական զինված ուժերը հրաձգային զենքերից կրակ են բացել Սյունիքի մարզի Ներքին Հանդ բնակավայրում հատվածում տեղակայված հայկական դիրքերի ուղղությամբ, ինչի հետեւանքով հայկական կողմն ունի 4 զոհ:

Նախագահ Վահագն Խաչատրյանի դաշնակցական այցը Հունգարիա ռազմարժեք էր հայ համայնքի համար:

Այս մասին ասաց Հունգարիայի խորհրդարանի հայ փոքրամասնության ներկայացուցիչ Նիկոլոս Հակոբյանը՝ ամփոփելով նախագահի այցը Բուդապեշտ:

«Նախագահի այցը շատ կարևոր էր Հունգարիայի հայ համայնքի համար, քանի որ երկար տարիներ չկային դիվանագիտական հարաբերություններ: Հույս ունենք, որ նախագահի այցը հետագայում խթան կհանդիսանա աշխուժացնելու երկու երկրների միջև կապերը թե՛ մշակութային, թե՛ գիտության, թե՛ առևտրի ոլորտներում: Բոլորիս համար մեծ պարծանք էր նախագահի այցը, վերջապես Հունգարիայում ապրող հայերը հասկացան, որ շարժվեց մի սառույց, որ 12 տարի կանգնած էր: Հուսով ենք, որ այդ այցը սկիզբն է մեր բարեկամական կապերի զարգացման առումով», - ընդգծեց Հակոբյանը:

Այս համատեքստում Հունգարիայի խորհրդարանի պատգամավորը կարեւորեց հայ համայնքի աշխատանքը:

«Ինչպես Հայաստանի նախագահը նշեց, Հայաստանը պետք է բոլոր պետությունների հետ ունենա լավ հարաբերություններ: Չմոռանանք, որ հուլիսից Հունգարիան է ստանձնելու ԵՄ նախագահությունը, և դա շատ կարևոր նշանակություն ունի մեզ համար: Որպես հայ համայնք՝ մենք էլ այստեղ շատ աշխատանք ունենք իրականացնելու», - ասաց Հակոբյանը:

Հարցին, թե Հայաստանը ինչ ուղղությամբ պետք է աշխատի Հունգարիայի հետ հարաբերությունները զարգացնելու համար, Հակոբյանը պատասխանեց. «Գաղտնիք չէ՝ Հունգարիան շատ լավ հարաբերություններ ունի Թուրքիայի և Ադրբեջանի հետ: Մենք պետք է շատ նրբորեն կարողանանք հետ բերել կորցրած բալանսը: Դա շատ կարևոր է մեզ համար: Տարիներ շարունակ Հունգարիան շատ ճկուն քաղաքականություն է վարում. ինչպես Հայաստանն է կարևոր Հունգարիայի համար մշակութային, կրոնական առումով, այնպես էլ Թուրքիան ու



Ադրբեջանը՝ բիզնեսի և առևտրի առումով: Այդ իսկ պատճառով մենք պետք է լինենք զգուս ու աշխույժ», - շեշտեց Նիկոլոս Հակոբյանը:

Պատգամավորի խոսքով՝ Հունգարիան շատ վաղուց էր պատրաստակամ հայ-հունգարական հարաբերությունները վերականգնելու հարցում:

«Շատ անգամ հունգարական կողմը հայ համայնքին էր խնդրում, որպեսզի մենք լինենք հարաբերությունների վերականգնման կամուրջը և կարողանանք այդ հարաբերությունները շտկել: Հունգարիան միշտ դիմել է հայ համայնքին, որպեսզի դիվանագիտական կապերը նորից վերականգնվեն, և երկու պետությունների միջև լինի առևտուր և շարժ: Ինչպես Հայաստանի նախագահն ասաց, քաղաքականության մեջ պետք է լինել պրագմատիկ և ճկուն», - եզրափակեց Հակոբյանը:

Հայաստանի և Հունգարիայի միջև դիվանագիտական հարաբերությունները, որոնք հաստատվել էին 1992թ. փետրվարի 26-ին, կասեցվել էին 2012թ. օգոստոսի 31-ին Հունգարիայի կողմից ադրբեջանցի ռճրագործ Ռամիլ Սաֆարովին Ադրբեջանին արտահանձնելուց հետո: 2022թ. դեկտեմբերի 1-ին Լոնդոն ԵԱՀԿ նախարարական համաժողովի շրջանակներում տեղի էր ունեցել Հայաստանի և Հունգարիայի ԱԳ նախարարներ Արարատ Միրզոյանի և Պետեր Սիլվարտոյի հանդիպումը, որի ընթացքում պայմանակցորդություն էր ձեռք բերել վերականգնել լիարժեք դիվանագիտական հարաբերությունները: 2023թ. կայացել է Միլանոյի այցը Հայաստան: Փետրվարի 5-7-ը պաշտոնական այցով Հունգարիայում էր ՀՀ նախագահ Վահագն Խաչատրյանը:

ՍՈՍՆ ԳՐԻԳՈՐՅԱՆ

ԿԱՐԾԻՔ

«ԱՌՃԱԿԱՏՄԱՆ ՄԵՐՄԵՐ ԵՆ ԳՆՈՒՄ»

«Ադրբեջանի ռազմական գործողությունը սահմանին Հայաստանի վրա ճնշում գործադրելու փորձ է», - ասել է Պենտագոնի ԱՊՀ հարցերով կոմիսիայի նախագահի առաջին տեղակալ Կոնսանսին Չասուլինը: Lenta.ru-ի հեռուգրույցում նա արձագանքել է երկու երկրների միջև տեղի ունեցած վերջին սրացմանը, խոսել նաև խաղաղության դաշնակցության ստորագրման հեռանկարների մասին:

տակի հետ դիմակայությունում: Իհարկե, այս հռետորաբանությունը ակնհայտորեն պայմանավորվածություն է ձեռք բերելու նպատակ չունի, ամենայն հավանականությամբ ճնշում գործադրելու փորձ է», - ասել է Չասուլինը:

Ադրբեջանը շահագրգռված է, որ Հայաստանը ինչքան հնարավոր է շատ զիջի ցանկացած համաձայնագիր ստորագրելիս. կարծում է խորհրդարանականը: Նա հավելել է, որ Բաքուն դադար է վերցրել նախագահական ընտրություններ անցկացնելու համար, որի ժամանակ Ադրբեջանի առաջնորդ Իլհամ Ալիևը կրակի վրա յուղ է լցրել՝ քվեարկելով Ստեփանակերտում, որը տեղացիներն անվանում են Խանքենդի, և որտեղ հայ բնակչություն չկա:

«Ես Ադրբեջանի ընտրությունների դեմ ոչինչ չունեմ, սա իրենց ներքին խնդիրն է, բայց այս ընտրությունները շատ խնդրված էին հաղթողի սինդրոմով, ինչը հաստատվեց Ալիևի քվեարկությամբ Ստեփանակերտում: Սա, կարծում եմ, արտացոլում է այն բանի, որ, ըստ ամենայնի, այս պահին չկա խաղաղության պայմանագրի ստորագրման, տարածքային ամ-

բողջականության ճանաչման և այլնի մթնոլորտ և կոնկրետ պայմաններ:

Դրա շուրջ հակասությունները շարունակվում են, և տրամաբանական հարց, որը ծագում է ոչ միայն Հայաստանում, այլ ամբողջ աշխարհում, այն է, որ Փաշինյանի կառավարությունը, որը ճանաչեց Ղարաբաղը որպես Ադրբեջանի մաս, իրաժարվեց իր հայրենակիցների բոլոր աջակցությունից, կուլ տվեց գանգաձախին արտագաղթը Ղարաբաղից և, բացի այդ, սրեց հարաբերությունները Ռուսաստանի հետ, ինչ շահեց նա այդ ճանապարհին, եթե չկա նոր հրաշալի աշխարհ, բայց կան այնպիսի բախումներ, ինչպիսին երեկ և այսօր է: Ըստ երեւույթին, մենք շատ հեռու ենք Անդրկովկասում իրական խաղաղությունից», - ասել է նա:

Միակողմանի հաղթանակները, ինչպես Ադրբեջանի և Թուրքիայի կողմից Ղարաբաղի շուրջ ձեռք բերված հաղթանակները, չեն հանգեցնում անհապաղ խաղաղության, այլ նոր հակամարտությունների և առճակատման դրվագների սերմեր են դնում. եզրափակել է պատգամավորը:

Ս. ԳՐԻԳՈՐՅԱՆ

ՔՐԵԱԿԱՆ ՎԱՐՈՒՅԹ

ՈՉ ԱՐԺԱՆԱՐԱՎԱՏ ՏՎՅԱԼՆԵՐ

Գլխավոր դասախազության ղեկավար Կարեն Գրիգորյանի պարզապահայտ և ղեկավարական (համայնքային) և քաղաքացիական ղեկավարական հայց հարուցելու լիազորության բացահայտում, ուսումնասիրվել են «Հրազդան մարզահամալիր» ՊՓԲ ընկերության գույքի մասնավորեցման գործընթացի վերաբերյալ փաստաթղթերը: Այս մասին տեղեկացնում են ՀՀ գլխավոր դասախազությունից:

«Ուսումնասիրության արդյունքում պարզվել է, որ 2001 թվականին կնքված վարձակալության պայմանագրով 100 տոկոս պետական բաժնետնտեսով «Հրազդան մարզահամալիր» ՊՓԲ ընկերության ամբողջ գույքը, շենքերը, շինությունները եւ տարածքը, այն է՝ ք. Երեւան, Հրազդանի կիրճ 4 հասցեում գտնվող Հրազդան մարզահաշտը՝ շուրջ 62 հազար քմ մակերեսով շինությունները եւ 14 հա հողամասը, վարձակալության են հանձնվել «Հրազդան մարզահամալիր վարձակալական ձեռնարկություն» ՓԲ ընկերությանը (այսուհետ՝ Ընկերություն):

Վարձակալության տրված գույքի մի մասը՝ 10,4443 հա մակերեսով հողամասը եւ 61,660,3 քմ մակերեսով շինությունները (մարզահամալիրը, «Հրազդան» մարզահաշտը), Կառավարության 2004 թվականի հուլիսի 22-ի N 1333-Ն որոշմամբ՝ ուղղակի վաճառքի ձեռք օտարվել են վարձակալին՝ «Հրազդան մարզահամալիր վարձակալական ձեռնարկություն» ՓԲ ընկերությանը: Գույքի վաճառքի գին է սահմանվել 87 մլն 520 հազար դրամը (ուսումնասիրության նյութերում առկա չէ նման գնի վերաբերյալ որեւէ հիմնավորում, հաշվի չի առնվել ֆինանսների եւ էկոնոմիկայի նախարարի կողմից ներկայացված առաջարկությունը՝ գույքի գնահատումն իրականացնել համապատասխան որակավորման անկախ գնահատողի կողմից առավել իրատեսական գին սահմանելու նպատակով):

Կառավարության որոշման համար հիմք են հանդիսացել Պետական գույքի կառավարման վարչության կողմից ներկայացված տվյալները, ըստ որոնց՝ 2001 թվականին կնքված վարձակալության պայմանագրի շրջանակներում արդեն իսկ կատարվել է ավելի քան 900 հազար ԱՄՆ դոլարի ներդրում: Մինչդեռ, Գլխավոր դատախազության ուսումնասիրության շրջանակում Պետական գույքի կառավարման կոմիտեից ստացված տվյալների համաձայն՝ Ընկերության կողմից 2001-2004 թվականների ընթացքում 900 հազար ԱՄՆ դոլար ներդրում կատարելու վերաբերյալ տվյալներ առկա չեն, դրանց վերաբերյալ տեղեկություն առկա չէ «Հրազդան» մարզահամալիր» ՓԲԸ-ի հաշվապահական հաշվեկշռում, առկա չէ նաեւ վարձակալի կողմից վարձատուին ներկայացված՝ կապիտալ ներդրում կա-



տարելու վերաբերյալ որեւէ ակտ կամ գրավոր տեղեկություն:

2005 թվականի հունվարի 7-ին Ընկերության ընդհանուր ժողովի որոշմամբ՝ Նույն ընկերության բաժնետեր Ա.Ա.-ն իր վրա է վերցրել 2004 թվականին կնքված պետական գույքի մասնավորեցման պայմանագրով Ընկերության ստանձնած պարտավորությունները՝ մինչեւ 2009 թվականը 2 մլն ԱՄՆ դոլարի ներդրում կատարելու մասին (ըստ Պետական գույքի կառավարման վարչության՝ Ա.Ա.-ի կողմից կատարված ներդրումները համարվել են ընդունված):

2010 թվականին Ընկերությունը վերանվանվել է «Հրազդան» կենտրոնական մարզադաշտ» ՓԲ ընկերության, որից հետագայում առանձնացվել են «Եվրոպարկ» առևտրի կենտրոն» ԲԲ ընկերությունն ու «ՍՈԼԻԴՐՈՒՍ» ՓԲ ընկերությունը:

Երեւան քաղաքի Կենտրոն եւ Նորք-Մարաշ վարչական շրջանների ընդհանուր իրավասության դատարանի՝ 2015 թվականի վճռով «Հրազդան» կենտրոնական մարզադաշտ» ՓԲ ընկերությունը ճանաչվել է սնանկ, իսկ 2019 թվականին

Ընկերության նկատմամբ սկսվել է լուծարման վարույթ:

Հաշվի առնելով, որ պաշտոնատար անձանց կողմից ներկայացված ոչ արժանահավատ տվյալների հիման վրա՝ Կառավարությունը տվյալ ժամանակահատվածում շուրջ 11 մլրդ 558 մլն դրամ շուկայական արժեք ունեցող, ներկայում 16 մլրդ 127 մլն 253 հազար դրամ շուկայականին մոտարկված կադաստրային արժեք ունեցող գույքը՝ «Հրազդան» մարզադաշտը, վաճառել է ընդամենը 87 մլն 520 հազար դրամով՝ դատախազը հանցանքի մասին հաղորդում է ներկայացրել Հակակոռուպցիոն կոմիտե:

2024 թվականի փետրվարի 10-ին Հակակոռուպցիոն կոմիտեում նախաձեռնվել է քրեական վարույթ՝ Քրեական օրենսգրքի 441-րդ հոդվածի 2-րդ մասի 2-րդ կետի (պաշտոնատար անձի կողմից իշխանական կամ ծառայողական լիազորությունները կամ դրանցով պայմանավորված ազդեցությունը չարաշահելը կամ լիազորություններն անցնելը) եւ 445-րդ հոդվածի 2-րդ մասի (պաշտոնական կեղծիքը) հատկանիշներով,- ասված է հաղորդագրության մեջ:

ԵՍՆՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ԿԱՍԿԱԾԵԼԻ «BMW»-ՆԵՐԸ

Արմավիրի պարտկենտրոն փետրվարի 8-ին՝ Մերձավան գյուղում ծառայություն իրականացնելիս՝ գիշերվա ժամը 1-ին, ստուգման նպատակով կանգնեցրել են մի «ԲՄՎ»։ 24-ամյա արթիկցի վարորդի ու 25-ամյա մերձավանցի ուղեւորի վարքագիծն Արմավիրի պարտկենտրոն թվացել է կասկածելի։ Թմրանյութ ապօրինի պահելու եւ օգտագործելու կասկածանքով նրանք ձերբակալվել ու, մեքենայով հանդերձ, տեղափոխվել են ոստիկանության Վաղարշապատի բաժին։ Այստեղ էլ պարտկենտրոնի կասկածները հաստատվել են. թեւէ անձնական խուզարկությամբ նրանց մոտ ոչինչ չի հայտնաբերվել, սակայն, ըստ ուղեւորի, մեքենայի սրահում կա կաթուղիչ եւ թղթե փաթեթ՝ երկուսն էլ լցված դեղնականաչավուն զանգվածով:

Նա հավելել է, որ թմրամիջոց իրեն է, հումքն էլ ինքն է հավաքել կանեփի վայրած թփերից եւ իր օգտագործելու համար պատրաստել թմրանյութ:

Մեքենան տեղափոխվել է բաժնի պահպանվող հատուկ տարածք։ Կազմված փաստաթղթերը ներկայացվել են Վաղարշապատի քննչական բաժին:

Նույն օրը՝ Մարզարայի խնուղում ծառայելիս, Արմավիրի պարտկենտրոն կանգնեցրել են մեկ այլ «ԲՄՎ»։ Ստուգման ընթացքում մեքենայի 25-ամյա երեւանցի վարորդն ու գրեթե հասակակից ուղեւորները դրսևորել են կասկածելի վարք:

Երեկոյան ժամը 9-ի կողմերը թմրամուկության կասկածանքով երեքն էլ ձերբակալվել եւ տեղափոխվել են ոստիկանության Վաղարշապատի բաժին։ Այդ ընթացքում պարտկենտրոն նկատել են, որ ուղեւորներից մեկը օգնել է երեք փաթեթ։ Բացի վարորդից, մյուս երկուսի անձնական խուզարկությամբ հայտնաբերվել են դեղնականաչավուն զանգվածով փաթեթներ, նաեւ բյուրեղանման զանգված, իսկ հայտնաբերված երեք կաթուղիչից երկուսում կանեփանման զանգված էր։ Երկուսն էլ հայտնել են, որ հայտնաբերվածն իրենցն է՝ անձնական օգտագործման համար։ Նախաձեռնվել է քրեական վարույթ, որի շրջանակներում հաջորդ օրը գնումներ է կատարվել Մարզարայի խնուղում։ Հիշյալ «ԲՄՎ»-ից մոտ երեք մետր հեռավորության վրա հայտնաբերվել է երեք փաթեթ՝ երկուսը լցված դեղնականաչավուն, մեկը՝ բյուրեղանման զանգվածով։ Նշանակվել են փորձաքննություններ։ Հանգամանքները պարզվում են:

ԱՊՕՐԻՆԻ ԶԵՆՔ

ՆԳՆ-ից տեղեկացնում ենք, որ ՆԳՆ ոստիկանության Էրեբունու բաժնի քրեական հետախույզները փետրվարի 6-ին օպերատիվ տեղեկություններ էին ստացել, որ Սարի թաղի 56-ամյա մի բնակիչ տանը ապօրինի զենք-զինամթերք է պահում։ Նախաձեռնվեց քրեական վարույթ, որի շրջանակներում փետրվարի 13-ին, դատարանի որոշմամբ, քրեական հետախույզների եւ քննիչների կողմից նշված տանը խուզարկություն կատարվեց։ Հայտնաբերվեցին տարբեր տրամաչափերի 125 փամփուշտ, «ԱԿՄ 74» տիպի 5,45 մմ տրամաչափի ինքնաձիգ՝ պահեստատուփով, առանց գործարանային համարի երկփողանի հարցում, ազդանշանային ատրճանակ, սվին-դանակ, «Ֆ-1» եւ «ՌԳԴ-5» տիպի նռնակ, «ՏՕԶ» տիպի հրացանի 48 փամփուշտ, ինքնաձիգի պահեստատուփ եւ ինքնաձիգի հարվածային մեխանիզմ:

ՍՏՈՒԳՈՒՄՆԵՐ

ԸՄԲՈՍՏՈՒԹՅՈՒՆ՝ ԻՆՔՆԱՎՆԱՄՄԱՐԲ

ArmLur.am-ի լավատեղյակ աղբյուրները փոխանցում են, որ ՏԵՎԱԿԱՆ ԺԱՄԱՆԱԿ Է՝ ՏԱՐՔԵՐ ԲՐԵՎԿԱՏԱՐՈՂԱԿԱՆ ՀԻՄՆԱՐԿՆԵՐՈՒՄ ՍՏՈՒԳՈՒՄՆԵՐ ԵՆ ԻՐԱԿԱՆԱԳՎՈՒՄ: ՄԵՐ ԱՊԵՅՈՒՐՆԵՐԸ ԽԱՅՏՈՒՄ ԵՆ, ՈՐ ԲԿՀ-ՆԵՐՈՒՄ ԿՎԱԾՆԱՎՈՐՎԱԾՆԵՐԻ ԽՅՔՆՈՒՄ ԱՐԳԵՎԱԾ ԻՐԵՐ ԵՆ

փնտրում եւ հավաքում: Մեր տեղեկությունների համաձայն՝ «Վանաձոր» քրեակատարողական հիմնարկում, երբ հերթական ստուգումներն են իրականացվել, կալանավորվածները իրենց ըմբոստությունը ցույց տալու

համար սկսել են ինքնալվանսումներ կատարել: Ըստ մեր տեղեկությունների՝ մեկը սափրիչի ծայրով վնասել է արմնկային հողը, 2-ը կուլ են տվել սափրիչի ծայրը, 3-ը կուլ են տվել երկաթի կտոր: Բ. ՄԱՆՈՒԿՅԱՆ

● Ըստ ոստիկանության տվյալների՝ փետրվարի 13-ից 14-ը ՀՀ ՆԳՆ ոստիկանության ստորաբաժանումները բացահայտել են հանցագործության 57 դեպք, որոնցից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՀՐԴԵՂ ՄԱՐԿԱՆ ԵԼՔՈՎ

Փետրվարի 13-ին՝ ժամը 14:00-ի սահմաններում, Նոյեմբերյան համայնքի սահմաններում Ոսկեպար գյուղում գտնվող առանձնատան երկրորդ հարկից համապարտագինները դուրս են բերել 85-ամյա Արամայիս Գետրոյանի դիակը՝ այրվածքներով: Դեպքի վայր են ժամանել Նոյեմբերյանի հրշեջ-փրկարարական ջոկատից 2 մարտական հաշվարկ, նրանց կողմից հրդեհը մարվել է: Ամբողջությամբ այրվել է Ա. Գետրոյանի երկհարկանի առանձնատան 2-րդ հարկի ննջասենյակը՝ մոտ 20 քառակուսի մետր մակերեսով, ներսի գույքով, իսկ մոտ 60 քառակուսի մետր մակերեսով հատված շերտահարվել է: Հրդեհի, Արամայիս Գետրոյանի մահվան դեպքի փաստով Նոյեմբերյանի քննչական բաժնում նախաձեռնվել է քրեական վարույթ, դեպքի հանգամանքները պարզվում են: Ոսկեպարցիները հայտնեցին, որ Ա. Գետրոյանը Ոսկեպարում բնակվել է միայնակ: Նա նախկինում ապրել է Երեանում՝ իր տղայի տանը, հետո տեղափոխվել հայրենի գյուղ, ուր մենակ է ապրել: Նրա կինը մահացած է: Համապարտագինների վկայությամբ՝ գառաձուլ տարիքի պատճառով Արամայիս Գետրոյանը բնակատեղի է հեռու դրել ինքնին: Ընկերակցության հետ որոշ խնդիրներ է ունեցել: Ոսկեպարցիների ենթադրությամբ՝ հրդեհը կարող էր բռնկվել այն պատճառով, որ տարեց տղամարդը կարող էր ոտքով անզգուշությամբ շուռ տալ ջեռուցման էլեկտրական սարքը, որի հետեանքով հրդեհ է բռնկվել: Ա. Գետրոյանի հարեանների վկայությամբ՝ նրա մահվան պատճառը եղել են ոչ թե այրվածքները, այլ հրդեհի հետեանքով առաջացած շմուկ գազը: Տավուշի բնակավայրերում, հատկապես՝ գյուղերում և միայնակ ապրող տարեցներ շատ կան, որոնց չափահաս զավակները բնակվում են արտերկրում կամ Հայաստանի այլ վայրերում: Պարբերաբար լինում են դեպքեր, երբ միայնակ մարդիկ գառաձուլ տարիքի, խաթարված առողջության հետեանքով անզգուշությամբ հրդեհ են առաջացնում, իրենք դրա զոհ դառնում:

ԳՈՒՄԱՐ ՉԻ ՀԱՏԿԱՑՎՈՒՄ

Տավուշի մարզպետարանից հայտնում են, որ մարզի հանրակրթական 76 դպրոցների շենքերից 10-ն ունի հիմնանորոգման, 32-ը՝ վերանորոգման (դասասենյակներ, միջանցքներ, մարզադահլիճներ) կարիք: Մարզպետարանից ստացված տեղեկությունների համաձայն՝ Տավուշի մարզպետի աշխատակազմի ենթակայության 21 բուժօժիսարկներից (ինչպես նաև նրանց կազմում գործող 39 բուժամակաբարձական կետերից) վերանորոգման, հիմնանորոգման եւ նորի կառուցման կարիք ունեն 13 առողջապահական հիմնարկությունների շենքեր: Տավուշի մարզի հանրակրթական դպրոցների եւ բուժօժիսարկների շենքերը նորոգելու համար պետական բյուջեում գումարներ չկան, իսկ կառավարության գործառնությունները կրկնող Տավուշի մարզպետարանի պաշտոնյաների պետական բյուջեից պարգևատրելու համար գումարները հերիքում են: 2023 թվականին Տավուշի մարզպետարանի պաշտոնյաները պետբյուջեից պարգևատրվել են ավելի քան 71 միլիոն դրամի չափով: ՈՍԿԱՆ ՄԱՐԶԱՅԱՆ Տավուշ

ՏԵՍՉԱԿԱՆ ՄԱՐՄԻՆ

ՀՐԴԵՂԱՑԵԽՆԻԿԱԿԱՆ ՍՏՈՒԳՈՒՄՆԵՐ

2023 թվականի ընթացքում Տեսչական մարմնի ստուգումների արդյունքում ծրագրով հրդեհային եւ սեյսմիկական անվտանգության բնագավառում նախատեսված էր կատարել ստուգումներ 252 սնտավարող սուբյեկտներին դասկանող 294 արտարական նշանակության օբյեկտներում, բեմգա-գազա լցակայաններում, առեւտրի եւ հասարակական սննդի, գյուղատնտեսական գործունեությամբ զբաղվող օբյեկտներում, գիտական եւ ուսումնական հաստատություններում, հյուրանոցներում, մինչեւ 800 նստատեղով մշակութային հիմնարկներում, ընդհանուր, գյուղատնտեսական նշանակության եւ նավթամթերքի դահեստներում, հիվանդանոցներում, սրահայրարային եւ կառավարման հիմնարկներում:

Տեսչական մարմնից հայտնում են, որ ստուգումների գործունեության տարեկան ծրագրով նախատեսված 68 օբյեկտ չի ստուգվել՝ փաստացի չգործելու (այդ թվում՝ ժամանակավոր դադարեցման), առցանց գործելու, հաշվառումից հանված կամ սնանկ լինելու հիմնավորմամբ: Ոչ պլանային 8 ստուգում իրականացվել է ՀՀ վարչապետի հանձնարարականի հիման վրա:

16 հանձնարարագրի կատարում ընթացքի մեջ է: Հաշվետու ժամանակահատվածում իրականացվել է 218 վերստուգում: 2023 թվականի ընթացքում կատարած ստուգումներ/վերստուգումներն ըստ մարզերի բաշխված են հետևյալ կերպ. Ծիրակ՝ 21 ստուգում, 16 վերստուգում, Լոռի՝ 17/25, Գեղարքունիք՝ 25/4, Կոտայք՝ 16/54, Արագածոտն՝ 11/14, Սյունիք՝ 8/7, Տավուշ՝ 16/21, Արարատ՝ 13/6, Վայոց ձոր՝ 5/11, Արմավիր՝ 25/45:

Մայրաքաղաք Երեւանում արվել են 64 ստուգում եւ 15 վերստուգում: 2023թ՝ ստուգումների արդյունքում արձանագրվել է 1895 խախտում, որից 1020-ը՝ Երեւանում, մնացած 875-ը՝ մարզերում: Մարզային պատկերը հետևյալն է՝ Գեղարքունիք՝ 238, Արմավիր՝ 153, Սյունիք՝ 45, Լոռի՝ 115, Կոտայք՝ 91, Տավուշ՝ 85, Ծիրակ՝ 80, Արարատ՝ 35, Արագածոտն՝ 17, Վայոց ձոր՝ 16 խախտում:

Ընդհանուր նշանակության 48 պահեստներում եւ բազաներում բացահայտվել է 528 խախտում: Ստուգումներից 3-ն իրականացվել է ՀՀ վարչապետի հանձնարարականի հիման վրա: Նշված ժամանակահատվածում ստուգվել է 200 մ2 եւ ավելի մակերեսով առեւտրի եւ հասարակական սննդի 46 օբյեկտ, արձանագրվել է 257 խախտում: Մինչեւ 200 մ2 մակերեսով առեւտրի եւ հասարակական սննդի 14 օբյեկտում



իրականացված ստուգումների արդյունքում արձանագրվել է 33 խախտում: 200 մ2 եւ ավելի մակերեսով արտադրական կազմակերպությունների 87 օբյեկտներում արձանագրվել է 552 խախտում: Ստուգումներից 3-ն իրականացվել է ՀՀ վարչապետի հանձնարարականի հիման վրա: Մինչեւ 200 մ2 մակերեսով արտադրական կազմակերպությունների 41 օբյեկտներում արձանագրվել է 117 խախտում: 9 բեմգալցակայանի ստուգումների արդյունքում արձանագրվել է 37 խախտում: Կառավարման 24 հիմնարկում արձանագրվել է 140 խախտում: Ստուգումներից 3-ն իրականացվել է ՀՀ վարչապետի հանձնարարականի հիման վրա: 2023 թվականին ստուգվել է 14 գազալցակայան, արձանագրվել է 111 խախտում:

Գիտական եւ ուսումնական 3 հաստատություններում արձանագրվել է 21 խախտում: 6 հյուրանոցների եւ հանրակացարանների ստուգումների արդյունքում արձանագրվել է 27 խախտում: Նավթամթերքների 3 պահեստում արձանագրվել է 18 խախտում: 2023թ. իրականացված ստուգումների արդյունքում կազմվել են տրամադրվել է պարտադիր կատարման միջոցառումները եւ դրանց կատարման ժամանակացույցը սահմանող 164 կարգադրագիր: Ստուգումների եւ վերստուգումների արդյունքում պարզվել է, որ առանց թերությունների շահագործվում է 133 սուբյեկտի 137 օբյեկտ: ՎԵՐԱՅՍԿՈՂՈՎԱԿԱՆ ՄԻՋՈՑԱՌՈՒՄՆԵՐ. հաշվետու ժամանակահատվածում իրականացվել է հրդեհատեխնիկա-

կան 799 հետազոտություն, արձանագրվել է 3130 խախտում: 74 բեմգալցակայանի հրդեհատեխնիկական հետազոտությունների արդյունքում արձանագրվել է 336 խախտում: Նշված ժամանակահատվածում վերահսկողական գործառնությամբ իրականացվել է 54 գազալցակայանի կայանում, արձանագրվել է 320 խախտում: ՀՀ արդարադատության նախարարության քրեակատարողական 11 հիմնարկի հակահրդեհային վիճակի ուսումնասիրության արդյունքում արձանագրվել է 167 թերություն, որոնց վերաբերյալ տեղեկատվություն է ներկայացվել ՀՀ արդարադատության նախարարության քրեակատարողական ծառայության գլխավոր քարտուղարին:

Երեւանի Կենտրոն վարչական շրջանի հասարակական սննդի 109 օբյեկտներում արձանագրվել է 446 խախտում: Տեսչական մարմնի կողմից ուսումնասիրվել են տրամադրվել է 1174 եզրակացություն՝ նախագծային փաստաթղթերի հակահրդեհային պահանջների համապատասխանության վերաբերյալ: Տեսչական մարմնի աշխատակիցները մասնակցել են ավարտված շինարարական 932 օբյեկտների շահագործման ընդունող հանձնաժողովների աշխատանքներին: Տրվել է 735 դրական եւ 197 բացասական եզրակացություն:

Տեսչական մարմնի աշխատակիցները մասնակցել են հրդեհի ազդանշանի ինքնաշխատ 11 համակարգի փորձարկման աշխատանքներին: ՔՏՀԱՍՍ կողմից հաշվառվել են վերլուծվել է 2023 թվականի ընթացքում ՀՀ-ում արձանագրված 5248 հրդեհի դեպք, որից 19-ը՝ մահվան ելքով: ՆԱՆԿ ՄՐԱՅԱՆ

ՊԱՐԶԱԲԱՆՈՒՄ

ՓՈԽՂԱՏՈՒՑՈՒՄ ԵՆ ԲԱԺԱՆՈՐԴՆԵՐԻՆ

Երեւանում ավելի քան 4-ժամյա, իսկ հանրապետության այլ քաղաքներում 8 ժամից ավելի ճեղքվածքներով ռեւել հասնելու համար, բացառությամբ ֆորսմաժորային դեմոնի, «Հայաստանի էլեկտրական ցանցեր» ՓԲԸ-ն բաժանորդներին տուգանքներ է վճարում:

Այս մասին փետրվարի 14-ին կայացած ասուլիսին ասաց ընկերության գլխավոր տնօրեն Կարեն Հարությունյանը: «Դրա համար կարիք չկա դիմելու ընկերությանը: Մենք ավտոմատ դա հաշվեգրում ենք յուրաքանչյուր բաժանորդի քարտին՝ յուրաքանչյուր դեպքի համար մինչեւ 2500 դրամ որպես էլեկտրաէներ-

գիայի դիմաց վճարում: Այսինքն՝ բաժանորդն այդքանով պակաս է վճարում էլեկտրաէներգիայի դիմաց», -մանրամասնեց Հարությունյանը՝ հավելելով, որ անցած տարիների ընթացքում ՀԵՑ-ը շուրջ 600 միլիոն դրամի չափով այդպիսի տուգանքներ է վճարել բաժանորդներին: Ն. ՄՐԱՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 10 պատահար. 1 մարդ զոհվել է, 13-ը՝ ստացել տարբեր աստիճանի մարմնական վնասվածքներ:

ՀԱՅՏԱՐԱՐՈՒԹՅՈՒՆ

«ՋԵՐՄՈՒԿԸ»
ՎՏԱՆԳԱՎՈՐ

Հայաստանի սննդամթերքի անվտանգության տեսչական մարմինը անդրադարձել է Ռուսաստանում հայկական «Ջերմուկ» հանքային ջրի առանձին խմբաքանակների վաճառքը դադարեցնելու որոշմանը:

ՀՀ սննդամթերքի անվտանգության տեսչական մարմինը հայտարարություն է տարածել, որը ներկայացնում է քստորել.

«Ռ- սպառողների իրավունքների պաշտպանության դաշնային ծառայությունը («Роспотребнадзор») հայտարարել է Ռուսաստանում «Ջերմուկ» հանքային ջրի առանձին խմբաքանակների վաճառքը դադարեցնելու մասին, ինչի պատճառով, ըստ հայտարարության, վերականգնվող բնակչի կերակրամթերքի այրվածքի մասին տեղեկությունն է: Ըստ տեղեկության՝ ավելի վաղ նա այրվածք էր ստացել հանքային ջրի շքի պարունակությունը խնայելու հետեանքով:

ՀՀ սննդամթերքի անվտանգության տեսչական մարմինը Ռ-ից որևէ պաշտոնական տեղեկատվություն չի ստացել, այնուամենայնիվ հարկ էնք համարում է, որ «Ջերմուկ» հանքային ջուրը Ռուսաստան է արտահանվում 2001 թվականից՝ աստիճանաբար ավելացնելով ծավալները, 350.000 լիտրից հասնելով մինչև 15.273.000 լիտր տարեկան, իսկ յուրաքանչյուր ներմուծված խմբաքանակ համապատասխանում է էվրասիական տնտեսական միության տեխնիկական կանոնակարգերին:

Բացի Ռուսաստանից, այն արտահանվում է նաև ԱՄՆ, Ուկրաինա, Վրաստան, Բելառուս, Ղազախստան, ԵՄ և բազմաթիվ այլ երկրներ:

23 տարվա ընթացքում Հայաստանի Հանրապետությունից արտահանված հանքային ջրից թունավորման թելուզ է մեկ դեպք չի արձանագրվել, ուստի խիստ տարորինակ է արտադրության ընթացքի մեջ որևէ բացասական տեղաշարժ չլինելու պայմաններում «Ջերմուկ» հանքային ջրի առանձին խմբաքանակների վաճառքը դադարեցնելու մասին հնչեցված որոշումը:

«Ջերմուկ» հանքային ջրի արտադրության մեջ քաջախ չի օգտագործվում, իսկ օգտագործվող նյութերը համապատասխանում են միջազգային ստանդարտներով սահմանված պահանջներին և նախատեսված են սննդի արդյունաբերության մեջ օգտագործելու համար: Նշված նյութերի ենթադրյալ մնացորդային պարունակությունը, ըստ դրանց տեխնիկական բնութագրերի, չի կարող առաջացնել կերակրամթերքի այրվածք:

Հանքային ջրի արտադրական գործընթացն ամբողջությամբ ավտոմատացված փակ շրջափուլ է, եւ շքի մեջ քաջախի առկայությունն ուղղակի հակառակ է ավտոմատացված արտադրական գործընթացի սկզբունքին և կազմակերպմանը: Պատրաստի արտադրանքի նվազագույն քանակը 1200 շքի է, ուստի վերը նշված չափանիշների անհամապատասխանությունն առնվազն այդքան շքում պետք է դրսևորվեր:

Անհրաժեշտության դեպքում ՀՀ սննդամթերքի անվտանգության տեսչական մարմինը կծեռնարկի վերահսկողական համապատասխան միջոցառումներ՝ հաշվի առնելով այն հանգամանքը, որ արտադրված յուրաքանչյուր խմբաքանակի նմուշները պահվում են, իսկ Ռուսաստանի գործընկերների հետ նաև կծեռնարկվեն գործուն միջոցներ՝ պարզելու համար նման որոշման կայացման հիմքերը»:

ՀԵՑ

ԿԱՐԵԼԻ Է ԽՆԱՅԵԼ ՄՈՏ 20 ՄԼՐԴ ԴԲԱՄ

«Ներդրումների ընդհանուր ծավալը նախատեսվում է 2030 թվականին հասցնել 461 միլիարդ դրամի՝ ավելի քան 500 միլիարդ դրամի»,- փեռվարի 14-ին՝ լրագրողների հեռահանդիման ժամանակ, ասաց «Հայաստանի էլեկտրական ցանցեր» ՓԲԸ ֆինանսատեսչական գծով սնորեն Մրմեն Արակչյանը:

Նա պարզաբանեց, որ մատակարարվող էլեկտրաէներգիայի որակի բարելավման նպատակով ներդրումների ընդհանուր ծավալը կավելացվի մինչև 160 մլրդ դրամով, իսկ նոր բաժանորդների միացման եւ ցանցի հնարավորությունների ընդլայնման համար՝ մինչև 171 մլրդ դրամով:

Արշակյանը հավելեց, որ միջոցներ կներդրվեն նաև տեխնիկական եւ առետրային կորուստների մակարդակը նվազեցնելու համար:

Համեմատության համար ընկերության ներկայացուցիչը բերեց 2002-2015 թվականների թվերը, երբ ներդրումների տարեկան ծավալը միջինը կազմում էր 5-16 մլրդ դրամ, որոնք ուղղված էին ոչ թե համակարգի զարգացմանը, այլ պահպանմանը:

«Բայց 2016-2023 թվականներին ներդրումների ընդհանուր ծավալը կազմել է 235 մլրդ դրամ՝ տարեկան միջինը 35 մլրդ դրամ՝ առանց ավելացված արժեքի հարկի: Եթե 2002-2003 թվականներին տեխնիկական եւ առետրային կորուստների մակարդակը կազմում էր 21%, ապա այժմ այդ ցուցանիշը կազմում է 6,6%: Էլեկտրաէներգիայի կորուստների կրճատման արդյունքում համակարգի համար տարեկան հնարավոր է խնայել 14 մլրդ դրամ, ընկերության օպտիմալացման արդյունքում՝ 3,6 մլրդ, գործառնական ծախսերի կրճատմամբ՝ 2,7 մլրդ դրամ»,- նշեց նա:

Արշակյանի խոսքով՝ ընդհանուր առմամբ, տարեկան կարելի է խնայել մոտ 20 մլրդ դրամ, ինչը հնարավորություն է տալիս մեղմել սպառողների սակագնային բեռը եւ ավելի չմեծացնել այդ բեռը:

«Հայաստանի էլեկտրական ցանցեր» ՓԲԸ գլխավոր տնօրեն Կարեն Հարությունյանն իր հերթին խոստովանեց, որ կան խնդիրներ՝ նշելով, որ անհնար է ան-



միջապես վերակառուցել ամբողջ ցանցը եւ ակնթարթորեն արդյունքի հասնել:

Նա ընդգծեց, որ ներդրումներին գույզահեռ պետք է լինեն բարելավումներ, իսկ կորուկ փոփոխությունների հասնելու համար միանվագ ներդրումներով խնդիրը լուծելը կհանգեցնի սոցիալական խնդիրների կորուկ աճի:

«Մեր ներդրումները նպատակային են: Ընկերությունն ամեն ինչ անելու է մատակարարվող էլեկտրաէներգիայի որակն ու արդյունավետությունը բարելավելու համար: 2016 թվականից սկսած՝ ներդրումների ծավալը տարեկան միջինը հինգ անգամ աճել է. սա աննախադեպ ցուցանիշ է էներգետիկ համակարգի համար:

Ներդրումները կատարվում են ոչ միայն ներգրավված միջոցների հաշվին, այլև ընկերության շահույթի հաշվին: 2016 թվականից մեր ընկերության հետ սկսեցին աշխատել միջազգային ֆինանսական կազմակերպությունները, որոնք հնարավորություն տվեցին վարկային միջոցներ ներգրավել շուկայականից շատ ավելի ցածր գնով: Այս բոլոր միջոցները հավաքագրվել են առանց պետական երաշխիքների, այսինքն՝ լրացուցիչ բեռ են ստեղծել պետական բյուջեի վրա»,- ասաց Հարությունյանը:

Նա հիշեցրեց, որ «Հայաստանի էլեկտրական ցանցեր» ՓԲԸ-ն դեկտեմբերին թողարկել է 32 մլրդ դրամի պարտատուներ, որոնք բաշխվել են սպասվածից ավելի արագ: «Սա դարձավ դրամային արտահայտությամբ պարտատուների ամենամեծ թողարկումը երկրում: Դրամական արտահայտությամբ պարտատուների 36,1%-ը ձեռք է բերվել բանկերի, 53%-ը՝ կենսաթոշակային հիմնադրամների, 10,8%-ը՝ մանրածախ ներդրողների կողմից: Ընդհանուր առմամբ, ներդրողների թիվը 311 է, որից միայն 14-ն են բանկեր եւ ինստիտուցիոնալ ներդրողներ, 297-ը՝ ֆիզիկական եւ այլ իրավաբանական անձինք: Պարտատուները հասանելի կլինեն բորսայում, եւ բոլորը կկարողանան դրանք ձեռք բերել երկրորդային շուկայում»,- ընդգծեց ընկերության ղեկավարը:

Նա վստահեցրեց, որ ընկերության ֆինանսական կայունությունը գտնվում է շատ բարձր մակարդակի վրա՝ վկայակոչելով Moody's գործակալության ցուցանիշները, որը ՓԲԸ-ին շնորհել է B2 վարկանիշ՝ ամենաբարձրը Հայաստանում: «Մարզում նույն վարկանիշով 2-3 ընկերություն կա»,- եզրափակեց Կարեն Հարությունյանը:

ԷՄՄԱ ՄԻՔԱՅԵԼՅԱՆ

ԿԱՐԳ

ԿՆՈՒՅՆ ԱԿԱՆԱՑՎԵՆ ՏԵՐԵՐԻ ՀԵՏ

Ընթացիկ կենդանիների գլխաբանակը կանոնակարգելու եւ վերահսկելու նպատակով առաջիկայում կենդանիները դարձապիս կհաճավեն եւ կնույնականացվեն իրենց սերերի հեռ:

Այս մասին հայտնեց Երեւանի քաղաքապետարանի «Կենդանիների խնամքի կենտրոն» ՀՈԱԿ-ի տնօրեն Հարություն Առաքելյանը՝ ընդգծելով, որ չնայած այս մասով այժմ Երեւանի ավագանու որոշում կա, բայց լծակները մի փոքր թույլ են:

«Առաջիկայում նախատեսվում է քոռոշման փոփոխություն, որից հետո ընտանի կենդանիները պարտադիր պետք է հաշվառվեն կենդանիների համար նախատեսված միկրոչիպերով կամ դաջվածքներով: Դրանից հետո էլ արդեն կնույնականաց-

նենք կենդանուն տիրոջ հետ: Արդյունքում կենդանու նկատմամբ անպատասխանատու վերաբերմունք դրսևորելու դեպքում վարչական տույժի կենթարկվի»,- նշեց Առաքելյանը:

Նա ընդգծեց, որ կենդանիների հաշվառումը, չիպավորումն ու նույնականացումը կարեւոր ծրագիր է, որը մեծ թափով իրականացնելու են 2024 թվականին: Ըստ նրա՝ պետք է հիշել, որ թափառող կենդանիների մի զգալի մաս թափառող են դարձել հենց մարդկանց անպատասխանատու վերաբերմունքի պատճառով:

«Ըստ ընթացակարգի՝ քաղաքացիները կարող են մոտենալ իրենց վարչական շրջանների ղեկավար աշխատակազմի գրասենյակ եւ կենդանուն գրանցել հենց իրենց բնակության հասցում: Իսկ, որպես տեր, գրանցվում է այն քաղաքացին, ով

կենդանուն պահելու պատասխանատվություն է վերցնում, որպեսզի հետագայում, եթե այդ կենդանին հայտնվի մեզ մոտ, նույնականացնելուց հետո հասկանանք, թե ով է տերը, եւ արդեն պատասխանատվության ենթարկենք»,- ասաց ՀՈԱԿ-ի տնօրենը:

2023 թվականի ընթացքում կենտրոնի կլինիկա է բերվել 3436 շուն, ստերջացվել եւ կատարության դեմ պատվաստվել է 2045 շուն, իսկ կատարության դեմ վերապատվաստվել է 753 շուն: Քնեցված եւ անկած շների թիվը 2023-ին եղել է 603, տարիքով պայմանավորված չի ստերջացվել 35 շուն, իսկ որդեգրման է հանձնվել 104 շուն: Մայրաքաղաքի փողոցներից հավաքվել է 467 անկած կենդանու դի:

Է. ՄԻՔԱՅԵԼՅԱՆ

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄԵԿԱՌՈՒՅՑ

ՅՈՒՆԵՍԿՕ

ՄԱՍՆԱԿՅԵԼ Է ՂԱՄԱՆԵԽԱՐՂԱՅԻՆ ՂԱՄԱԺՈՂՈՎՔԻՆ

ՀՀ կրթության, գիտության, մշակույթի և սպորտի (ԿԳՄՍ) նախարար Ժաննա Անդրեասյանը Աբու Դաբիում մասնակցել է ՅՈՒՆԵՍԿՕ-ի մշակույթի և արվեստի կրթության համաշխարհային համաժողովին, որի շրջանակում գեկույցով հանդես է եկել "Quality and relevant lifelong and life-wide learning in and through cultural diversity" խորագրով դաճակալին նիստում: Այս մասին հաղորդում է ԿԳՄՍ նախարարության մամուլի ծառայությունը:



Ժաննա Անդրեասյանը նաև նշել է, որ շարունակական կրթությունը չի կարող դիտարկվել մշակութային բազմազանության հայեցակարգից դուրս: Այսպիսով, Հայաստանի Հանրապետությունը վերջին տարիներին քայլեր է ձեռնարկել՝ խթանելու ժամանակակից արվեստի ոլորտի զարգացումը՝ կիրառելով մշակութային բազմազանության ապահովմանը նպատակաուղղված միջոցներ և համատեղելով ֆորմալ ու ոչ ֆորմալ մշակութային կրթությունը:

ՅՈՒՆԵՍԿՕ-ի մշակույթի և արվեստի կրթության համաշխարհային համաժողովում ԿԳՄՍ նախարար Ժաննա Անդրեասյանը անդրադարձ է կատարել նաև Լեռնային Ղարաբաղի քաղաքացիական բնակչության էթնիկ գտումների և բռնի տեղահանման համատեքստում կրթության իրավունքի իրացմանը: Նա նշել է, որ նախարարությունը գործադրել է շարունակական և գործադրել բոլոր ջանքերը՝ ապահովելու ԼՂ-ից բռնի տեղահանված բնակչության լիարժեք ինտեգրումը կրթական գործընթացին:

«Ձեկույցի ընթացքում նախարարը ներկայացրել է մշակութային բազմազանության համատեքստում շարունակական կրթության ապահովման անհրաժեշտությունը և անդրադարձել Հայաստանի փորձին: Նա նշել է, որ 2022 թվականին հաստատվել է ՀՀ կրթության մինչև 2030 թվականի զարգացման պետական ծրագիրը, որի նպատակներից է ազգային և համամարդկային արժեքների վրա հիմնված, Հայաստանի Հանրապետության զարգացմանը միտված արդյունավետ և միջազգայնորեն մրցունակ կրթական համակարգի ձևավորումը, որը կյանքի բոլոր փուլերում յուրաքանչյուրի հնարավորություն կտա ստանալու իր կարիքներին և ընդունակություններին համապատասխան որակյալ կրթություն: Նախարարը նշել է, որ ծրագրի նպատակի իրականացման համար սահմանվել են մի շարք ռազմավարական ուղղություններ, որոնցից մեկն է համընդհանուր ներառական սովորողակենտրոն և մասնակցային կրթական միջավայրի ստեղծումը: Սա, ըստ նախարարի, յուրաքանչյուր քաղաքացու համար կյանքի բոլոր փուլերում հասանելի կդարձնի իր զարգացման և անձնային առանձնահատկությունների բխող և քաղաքացիական համագործակցությանը նպաստող որակյալ և արդյունավետ կրթական ծառայությունները Հայաստանի Հանրապետության ողջ տարածքում:

«ԵՐԵՎԱՆՅԱՆ ՀԵՌԱՆԿԱՐՆԵՐ»

ՄԱՂՄԱՆԵԼ Է ՆՈՐ ՉԱՓԱՆԻՇՆԵՐ

«Երևանյան հեռանկարներ» միջազգային երաժշտական հոբելյանական 25-րդ փառատոնը կմեկնարկի «Էթեն» ֆառալի փեյզալի 20-ին «Արամ Խաչատրյան» համերգասրահում կայանալիք բացառիկ համերգով:

թանակը 2004 թվականի ARD միջազգային երաժշտական մրցույթում: Սրանով քառյակը միջազգային համբավ ձեռք բերեց և արժանացավ բազմաթիվ այլ մրցանակների: 2005 թ.-ին խումբն արժանացավ Ֆորթեթ-Շնայդերի հիմնադրամի «Բելմոնտ» մրցանակի, 2007 թ.-ին՝ Բորլետտի-Բուրտոնի հիմնադրամի գլխավոր մրցանակին, իսկ 2019 թ.-ին էլ դարձավ Ֆրանկֆուրտի երաժշտական մրցանակի արժանացած առաջին քառյակը: Բարտոկի, Բեթհովենի, Ռեքլուսիի, Հայդնի, Ֆորթի և Սենդելսոն եղբայրների ստեղծագործությունների ձայնագրություններն արժանացել են բազմաթիվ մրցանակների, այդ թվում՝ «Գրամֆոն»-ի, BBC Music Magazine-ի մրցանակի, Midem Classic մրցանակի: Անսամբլի նշանակալի ձեռքբերումներից է Բեթհովենի 16 լարային քառյակների ձայնագրությունը՝ ստեղծագործություններ, որոնք անսամբլը 2019 թ.-ի մայիսից 2020 թ.-ի հունվարն ընկած ժամանակահատվածում կատարել է աշխարհի հինգ մայրցամաքում: Այս ամբողջական ձայնագրությանը «Էթեն» քառյակը տոնեց իր հիմնադրման քսանամյակը: Բառնայի կազմից Պիեռ Կոլոմբեն նվագում է երկու գործիքով: Առաջինը Անտոնիո Ստրադիվարիուսի՝ 1717 թվականին ստեղծած «Պիատոսի» ջութակն է, իսկ երկրորդը՝ Մատեո Գոֆրիլտիի՝ 1736 թվականին ստեղծած գործիքը: Գաբրիել լը Մագադյուրը նույնպես նվագում է երկու գործիք՝ երկուսն էլ Գուարներիի ձեռքով ստեղծված: Առաջինը ժամանակին պատկանել է Բարոն Ռոջեռիդին, իսկ երկրորդը ստեղծվել է 1740 թվականին Մարի Շիլեմի երկու ավտերից մեկը Ստրադիվարիուսի՝ 1734 թվականին ստեղծված «Գիբսոն» ավտն է: «Բուրերը կարծես վերածվում էին ձայների, տարածության խորքերից լսվում էին արձագանքները, և չորսը նախ զգուշորեն միախառնվում էին, ապա ջանասիրաբար ձուլվում իրար ու աշխուժորեն տարածվում: Ռա մի աննկարագրելի փորձառություն էր»,- քառյակի մասին գրել է Seddeutsche Zeitung-ը 2023-ի մարտին:

Հ. ԲԱՐՈՍՍՅԱՆ

ՄԱՐԶԱԿԱՆ

ՌԵԿՈՐԴ Է ՄԱՂՄԱՆԵԼ

Հայաստանի աթլետիկայի հավաքականի առաջատար վագորդ Երվանդ Մկրտչյանը Սերբիայի մայրաքաղաք Բելգրադի փակ մարզադահլու կայացած Belgrade Indoor Meeting 2024 մրցաշարում արժաթե մեդալ է նվաճել, ինչպես նաև Հայաստանի ռեկորդ սահմանել:

Մկրտչյանը 1500 մետր վազքատարածությունը հաղթահարել է 3:38.12 րոպեում, ինչն անկախ Հայաստանի ամենաբարձր արդյունքն է աթլետիկայում:

Հիշեցնենք՝ օրերս գյումրեցի մարզիկը դարձել էր Ստամբուլում անցկացված Բալկանյան երկրների ձմեռային առաջնության հաղթող՝ 1500 մետր վազքատարածությունում ցույց տալով 3:45.55 րոպե արդյունք:

Մկրտչյանն առաջին տեղն էր զբաղեցրել՝ հետևում թողնելով Թուրքիայի երկու ներկայացուցիչների: Երվանդ Մկրտչյանն իրավունք է ստացել մասնակցելու նաև Գլազգոյի փակ մարզադահլու մարտի 1-3-ն անցկացվելիք աշխարհի ձմեռային վարկանիշային առաջնությանը:

ՆՈՐԸՆԾԱ ՉԵՄՊԻՈՆԸ

Ծանրամարտի Եվրոպայի կանանց առաջնության չեմպիոն Ալեքսանդրա Գրիգորյանը նշում է, որ յուրաքանչյուր մրցաշարում էլ լարվածություն կա, Եվրոպայի առաջնությունն էլ այդ առումով բացառություն չէր:

«Բնականաբար, լարվածություն կա ցանկացած մրցաշարում, բայց, անկախ դրանից, պետք է, որ լարվածությունը մի կողմ դնես, պայքարես, որ մեդալ ունենաս: Առաջին մոտեցումներն արվում էին մեդալ ապահովելու համար, սակայն հետո արդեն չեմպիոնության համար էի պայքարում,- ասաց Գրիգորյանը: Խոսելով իր առաջին ոսկե մեդալից՝ Գրիգորյանն ընդգծեց, որ մարզումների ժամանակ բարձրացրած քաշերը թույլ էին տալիս մտածելու մեդալի մասին, սակայն Պոկոնով վարժարանն ոչ այդքան հաջող ելույթից հետո փոքր հիասթափություն եղել է:

«Իմ կարծիքով՝ 19 տարեկանում ոսկե մեդալակիր դառնալը Նորմալ է: Մեծահասակների մրցաշարերի երկրորդ անգամն էի մասնակցում, սակայն առավելագույնս լավ էի պատրաստվելու դրական էի տրամադրված»,-ասաց Եվրոպայի նորընծա չեմպիոնը: Գրիգորյանն իր հաջողոր նպատակներից մեկը համարում է Օլիմպիական խաղերում դրական արդյունք գրանցելը: Բուլղարիայի մայրաքաղաք Սոֆիայում ընթացող Եվրոպայի առաջնությունում Հայաստանի հավաքականի անդամ Ալեքսանդրա Գրիգորյանը Պոկոնով վարժարանում նախ բարձրացրեց 80 կգ: Երկրորդ մոտեցմամբ բարձրացրեց 85 կգ, սակայն մրցավարները չհաշվեցին մոտեցումը: Գրիգորյանը չկարողացավ բարձրացնել 85 կգ նաև երրորդ մոտեցման ժամանակ: Հրում վարժարանում Գրիգորյանը գերազանց արդյունքով՝ 105, 111, 115 կգ արդյունքով նվաճեց փոքր ոսկե մեդալ և երկամարտի 196 կգ արդյունքով հռչակվեց Եվրոպայի չեմպիոն:

● Ապրիլի 2-ին Կ. Դեմիրճյանի անվան մարզահամերգային համալիրում տեղի կունենա աշխարհահռչակ ջութակահար Արա Մալիկյանի համերգը: Սկիզբը՝ ժամը 19:00-ին:



Էջը՝ ՄԱՌԻԱՍ ԴԱՆԻԵԼՅԱՆԻ

ՍՈՑԻԱԼԱԿԱՆ

ՀԱՐՑ. Ուզում եմ իմանալ՝ որո՞նք են խնամքի տրամադրման Տեսակները: Ո՞վ իրավունք ունի օգտվելու խնամքի ծառայություններից:
Ստելլա Մանուչարյան (46 տարեկան)



ՊԱՏԱՍԽԱՆ. Ս. Մանուչարյանի հարցին ի պատասխան՝ տեղեկացնում ենք, որ խնամքը տևային պայմաններում, բնակչության սոցիալական պաշտպանության շուրջօրյա խնամքի ընդհանուր կամ հատուկ տիպի (մասնագիտացված) հաստատություններում եւ սոցիալ-վերականգնողական ցերեկային կենտրոններում տրամադրվում է ծերության սոցիալական կենսաթոշակի տարիքի հասած կամ 18 տարին լրացած միայնակ (Հայաստանի Հանրապետության օրենսդրությամբ նախատեսված խնամող չունեցող կամ ընտանիքում աշխատունակ անդամ չունեցող) հաշմանդամներին:

Հայաստանի Հանրապետության աշխատանքի եւ սոցիալական հարցերի նախարարություն

«ԺՈՂՎՈՒՐԳ». Նշենք, որ քաղաքացին (կամ նրա օրինական ներկայացուցիչը) պետք է դիմի փաստացի բնակության վայրի տարածքը սպասարկող սոցիալական աջակցության տարածքային գործակալություն կամ բաժին, որտեղ քաղաքացուն տրամադրվում է «խնամքի տրամադրման համար դիմած անձի բժշկական քարտ» ձեռագրությամբ, որը լրացվում է քաղաքացուն սպասարկող տարածքային պոլիկլինիկայի կողմից: Տարածքային մարմնի ղեկավարը որոշում է կայացնում խնամք տրամադրելու մասին եւ այն ներկայացնում է Աշխատանքի եւ սոցիալական հարցերի նախարարություն: Նախարարությունը տարածքային մարմնից ստացած որոշումների հիման վրա համակարգում է տուն-ինտերնատներ հաճախորդների ընդունելության գործընթացը:

ԿՎՐԳ

ՀԱՐՑ. Եթե բանկը հաճախորդի հաճվեհամարին գումարը երկու անգամ է փոխանցում, ապա դարձվո՞ւ է արդյոք հաճախորդը վերադարձնել այդ գումարը:

Անի Կիրակոսյան (34 տարեկան)



ՊԱՏԱՍԽԱՆ. Այո, հաճախորդը պարտավոր է այդ գումարը հետ վերադարձնել, քանի որ անձը, ով առանց օրենքի, այլ իրավական ակտերի կամ գործարքի սահմանված հիմքերի ուրիշ անձի (տուժողի) հաշվին ձեռք է բերել գույք կամ խնայել է այն (ձեռք բերողը), պարտավոր է տուժողին վերադարձնել անհիմն ձեռք բերած կամ խնայած գույքը (անհիմն հարստացումը)՝ բացառությամբ ՀՀ քաղաքացիական օրենսգրքի 1099 հոդվածով նախատեսված դեպքերի (ՀՀ քաղաքացիական օրենսգրքի 1092 հոդվածի 1-ին կետ):

Այս կանոնը կիրառվում է՝ անկախ այն բանից՝ անհիմն հարստացումը ձեռք բերողի, տուժողի, երրորդ անձանց գործելակերպի հետեւանք է եղել, թե կատարվել է նրանց կամքից անկախ:

Ֆինանսական համակարգի հաշտարար

«ԺՈՂՎՈՒՐԳ». Բանկն իրավունք ունի նաեւ առանց հաճախորդի կարգադրության հաշվից գումար դուրս գրել դատարանի վճռով սահմանված դեպքերում:

ԼՈՒՐ ԿԱԴՐ

Լուսանկարը՝ համացանցից



Մոսկվայում վարորդն ամուսնության առաջարկություն է արել՝ տաքսիներով սիրտ պատկերելով:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 1 - 5 + 5 + 10	Արարատ	- 1 + 4 + 14 + 17
Կոտայքի լեռներ	- 1 - 4 + 5 + 9	Արմավիր	- 2 + 1 + 14 + 16
Կոտայքի նախալեռներ	0 + 2 + 10 + 12	Վայոց ձորի լեռներ	- 2 - 5 + 5 + 8
Գեղարքունիք	- 4 + 1 + 5 + 10	Վայոց ձորի նախալեռներ	0 + 3 + 14 + 17
Լոռի	+ 2 + 6 + 13 + 18	Սյունիքի հովիտներ	+ 7 + 10 + 21 + 23
Տավուշ	+ 4 + 8 + 19 + 22	Սյունիքի նախալեռներ	+ 1 + 4 + 14 + 18
Արագածոտնի լեռներ	- 2 - 5 + 5 + 9	ԼՂՀ	+ 2 + 4 + 13 + 17
Արագածոտնի նախալեռներ	0 + 2 + 10 + 15	Երեւան	+ 8 + 10 + 13 + 15

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 14.2.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: